

Transmissiun dal rumantsch (part 7)

DA GION GIACHEN FURER

Ina dumonda absolutamain fundamentala per linguis smanatschadas sco il rumantsch è schebain e quant enavant ch'el vegn transmess a la generaziun suautanda malgrà la situaziun en la quala el sa chatta. La structura tenor vegliadetgna da la populaziun che discurra rumantsch dat ina conferma indirecta che almain in coc da questa populaziun dat actualmain vinavant la lingua. Las dumbraziuns dal pievel permettan dentant era da recalctgar infurmaziuns davart las linguis inditgadas dals uffants (u per uffants) che abiteschan en la chasada dals geniturs. Cun quai porschan ellas indicaziuns relativamain precisas davart la transmissiun da la lingua a la generaziun pli giuvna dal mument.

En in temp da gronda mobilitad, en il qual bunamain la mesedad da la populaziun da l'intsches tradiziunamain rumantsch (TR) è naschida ordaifer quest intsches, è la dumonda schebain ils immigrants emprendan la lingua indigena dentant gist uschè decisiva sco la transmissiun da la lingua d'ina generaziun rumantscha a l'autra.

Pervi dal spazi limità ch'è a disposiziun sa restrenschia l'analisa als uffants che vivan, independentamain da lur vegliadetgna, ensemens cun domadus geniturs (u persunas en posiziun sumeglianta a quella da genitur). Per reproducir parzialmain la diversitat da las situaziuns en il TR vegn reprendida qua la repartiziun duvirada en la part 4, cun traiss gruppas da vischnancas tenor lur pratica linguistica en scola l'onn 2000, designadas cun ils numbs scursanids TR1, TR2 e TR3.

La grappa concernenta dumbra l'onn 2000 en l'entir TR 16 533 uffants. Questa grappa sa reparta vaira equalmain tenor il lieu da naschientscha dals geniturs: 5309 uffants han domadus geniturs ch'en naschids en il TR, 5799 mo in, e 5078 nagan; tar 347 uffants n'ha almain in dals geniturs betg inditgà ses lieu da naschientscha. Tut segund la grappa da vischnancas è la repartiziun proporzionala differenta. Tar 44% dals uffants dal TR1 èn domadus geniturs naschids en il TR, entant che 22% han geniturs ch'en naschids domadus ordaifer il TR. En il TR2 è qui percunter 17% e 46%, en il TR3 20% e 41%; en media è il liom cun il TR ed il rumantsch pia particulamain flaivel precisamain là nua che la posiziun sociala, giuridica, etc. dal rumantsch sez è fitg flaivalentada. Per il rumantsch è la situaziun dentant anc main favaivala, sch'ins prenda en consideraziun la proporziun da geniturs dals quals ins po supponer, a basa da lur lieu da naschientscha, ch'els hajan sezs frequentà ina scola per part rumantscha. En il TR1 datti mo 40% uffants cun domadus geniturs en quella situaziun (76% cun almain in); en il TR2 è qui mo 4% (18%), en il TR3 2% (14%). Circa la mesedad dals uffants dal

TR2 e dus terzs da quels dal TR3 han geniturs che n'han probablamain mai gi instrucziun rumantscha, gnanc sco simpel rom betg

Damain geniturs ch'inditgeschan il rumantsch sco meglia lingua

Dal svilup general tranter il 1990 ed il 2000 sa resulta l'onn 2000 in pegiurament en la situaziun da partenza per il mantegniment dal rumantsch en il TR. Il 1990 avevan 30% dals uffants geniturs ch'inditgavan domadus il rumantsch sco meglia lingua, l'onn 2000 è quai gisanc 24%. Inversamain è la cumpart dals uffants, tar ils quals domadus geniturs declaran il tudestg, crescida da 36% a 42%. Bain declaran quasi tut ils uffants da geniturs ch'inditgeschan domadus il rumantsch, era sez il rumantsch sco meglia lingua (1990 96%, 2000 97%). Uschespert dentant ch'in dals geniturs declara il tudestg, croda la cumpart dal rumantsch tar ils uffants a 57% l'onn 2000 (ina proporziun ch'è tuttina sa meglierada visavi ils 53% da l'onn 1990). Cura che domadus geniturs inditgeschan il tudestg, numnan mo gis 3% (1990 4%) dals uffants il rumantsch.

Tar 8% dals uffants (1990 6%) declaran domadus geniturs in'atra lingua ch'il rumantsch u il tudestg sco meglia lingua, tar ulterius 8% (1990 era 8%) è quai in sulet genitur. Uschenavant ch'ils uffants concernents n'inditgeschan betg sez ina terza lingua, s'impona il tudestg clera main meglier ch'il rumantsch. Tranter ils uffants da përs senza rumantsch u tudestg sco meglia lingua, per exemplu, ha il tudestg meglierà sia posiziun sco meglia lingua da 24% l'onn 1990 a 35% l'onn 2000, entant ch'il rumantsch stagnescha a 6%.


En vista a questas datas na fai betg surstar, sche la cumpart dal tudestg è crescida en l'entira grappa d'uffants da 52% a 57%, entant che quella dal rumantsch è sa sminuida da 43% a 37%.

Ordaifer il TR releva la dumbraziun dal 2000 591 uffants cun domadus geniturs che declaran il rumantsch sco meglia lingua e 3837 cun mo in tal genitur. La digren dapi il 1990 (964 resp. 6195 persunas) è marcanta e di bler davart l'avegnir che spetga la diaspora rumantscha. La tendenza dals uffants da discurrer rumantsch cun la famiglia u schizunt da considerar il rumantsch sco lur meglia lingua crescha, quai è vair, mo i dat l'onn 2000, tranter ils uffants cun in genitur ch'inditgescha il rumantsch, tuttina mo 29% che declaran sez il rumantsch, ed en dus terzs da queste cas vegn il rumantsch menziona simplamain sco ina da pliras linguis discurredas cun la famiglia.

Status dal rumantsch en vischnanca è fitg decisiv

En il TR è la transmissiun resp. adopziun dal rumantsch u dal tudestg dal tuttafatg differenta tenor la situaziun linguistica

Grafica 50: Uffants che vivan en il TR cun domadus geniturs tenor lieu da naschientscha dals geniturs (en %), 2000



dals geniturs ed anc pli tenor il status dal rumantsch en vischnanca.

Per las explicaziuns che suondan èsi da sa reguardar che las cifras relativas concernent l'absenza d'ina lingua sco lingua discurrida cun la famiglia includan excepcionamain mintgama era la cumpart da la glieud che n'ha betg respondi a la dumonda correspondenta (i sa tracta maximalmain d'intgins pertschient).

Sche domadus geniturs declaran il rumantsch sco meglia lingua, vegn en il TR1 il rumantsch era numzù da quasi tut ils uffants (99% sco meglia lingua, 85% sco suelta lingua discurrida cun la famiglia). Schizunt en questa grappa ed en questa situaziun, che porschan gea sut tut ils aspects las megliras premissas existentes per il rumantsch, vegn il tudestg dentant gis menziona da 10% dals uffants sco lingua discurrida regularmain cun la famiglia. En il rest dal TR vegn il rumantsch bain era menziona da quasi tut ils uffants da tals përs, el n'è dentant per bler betg francà uschè bain sco en il TR1: en passa la mesedad dals cas na cumpara el numnadaman betg sco meglia lingua (la scola è gea tudestga) e cun la famiglia vegn el il bler discurrì mo sper il tudestg.

Cura ch'in genitur declara sco meglia lingua il rumantsch e l'auter il tudestg, sa reducescha il rumantsch immediat tar ils uffants, dal puntg da vista da la francada sco era da la derasaziun insumma. Bain vegn en il TR1 il rumantsch anc menziona da nov dieschavels dals uffants concernents, ma gis in terz declaran il tudestg sco meglia lingua e bain traiss quarts numnan el insumma. En il TR2 svaneschia il bler fermamain rumantsch cumpara il ru-

rumantsch tar la mesedad dals uffants concernents, en il TR3 schizunt tar dus terzs.

La categoria dals uffants cun domadus geniturs che declaran il tudestg sco meglia lingua è dapertut fitg numerusa. Tranter quels uffants cumpara la lingua ch'è en principi indigena mo raramain, entant ch'il tudestg cuntanscha adina quasi 100%. En il TR1 cumpara il rumantsch tar 30% dals uffants sco lingua discurrida cun la famiglia – per regla sper il tudestg –; plinavant è il rumantsch la meglia lingua dad 8% da quels uffants, grazia a l'instrucziun parzialmain rumantscha.

En il TR2 crodan questas cifras a 9% ed 1%, en il TR3 a 2% e 0%. I n'è dentant gnanc ditg che questa pitschna resp. minimala preschientscha dal rumantsch represchentia, saja quai mo per part, in gudogn per il rumantsch. Tranter ils geniturs concernents datti numnadaman tals ch'en en realitat oriundamain rumantschs u bilings e che discurran era senz'auter rumantsch – forsa schizunt cun lur uffants –, che dumognan dentant meglier il tudestg (guarda plinengiu).

Il maletg è sumegliant en la categoria relativamain pitschna dals uffants, dals quals in genitur inditgescha sco meglia lingua il tudestg, l'auter genitur ina lingua che n'è ni il tudestg ni il rumantsch.

Nua ch'in tschert «gudogn» vegn probablamain registrà per il rumantsch, è en la categoria dals uffants cun geniturs che declaran domadus sco meglia lingua in'atra lingua ch'il rumantsch u il tudestg. Grazia a l'instrucziun dada parzialmain per rumantsch ed a l'ambient anc il bler fermamain rumantsch cumpara il ru-


mantsch tar 23% dals uffants concernents (9% sco meglia lingua senza diever cun la famiglia, 7% sco meglia lingua e lingua duvrada cun la famiglia, e 8% mo sco lingua discurrida cun la famiglia). Schizunt en quella part pli fermamain rumantscha dal TR è l'influenza dal tudestg dentant pli gronda che quella dal rumantsch: 31% (repartiziun: 13%, 7%, 11%) dals uffants declaran numnadaman quest tudestg ch'è gea en teoria d'ordaifer la regiun. En il TR2 ed en il TR3 na cumpara il rumantsch simplamain betg, entant ch'il tudestg cuntanscha en total 52% resp. 63%.

Sco menziona precedentamain na sto betg mintga abitant dal TR ch'inditgescha il tudestg sco meglia lingua esser per tut pretsch in da lingua estra resp. in immigrant d'ordaifer il TR. Ina davosa grafica dat tranter auter in'ulteriura indicaziun en questa direcziun, era sch'igl è per definiziun nunpussaivel da preschentlar cifras exactas en materia a basa da las dumbraziuns.

La sutcategoria che vegn studegiada qua per finir cumpiglia en l'entir TR 40% dals uffants che declaran, gis sco domadus geniturs, il tudestg sco meglia lingua (TR1 21%, TR2 58%, TR3 80%). Il fatg che 52% dals uffants da questa sutcategoria han lura almain in genitur, e 13% schizunt domadus ch'en naschids en il TR (TR1 43% resp. 7%, TR2 57% resp. 15%, TR3 60% resp. 19%), è atgnamain mo ina conferma dapli dal grad da germanisaziun da bleras parts dal TR.

Gion Giachen Furer, La situaziun actuala dal rumantsch, Enquista da structura da la Sviza, Uffizi federal da statistica, ISBN: 3-303-01203-2

Grafica 51: Meglra lingua dals uffants che vivan en il TR cun domadus geniturs, tenor meglra lingua dals geniturs (en %), 2000



Grafica 52: Il rumantsch sco meglia lingua e lingua discurrida cun la famiglia tar uffants d'ordaifer il TR cun almain in dals dous geniturs ch'inditgescha il rumantsch sco meglia lingua (en %), 2000

